



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

«24» Հունվարի 2024թ.

«ՕՐԻԵՆՏ» ՍՊԵՐՎՈՒԹՅԱՆ ՏՆՕՐԵՆ ՅԱԿՈԲ ԱՅՆԷՃԵԱՆԻՆ
ՀԱՍՑԵ՝ Բ. ԵՐԵՎԱՆ ՆՈՐ ՆՈՐԲ ԹԱՂԱՄԱՍ
ՄՈԼԴՈՎԱԿԱՆ Փ. 30/1 ՇԵՆՔ 5 ԲՆ.
ՀՎՀՀ՝ 00246359
ԷԼ. ՀԱՍՑԵ՝ harut.tamrazyan@mail.ru

Ծանուցագիր
661-2024/01

ՀՀ պետական եկամուտների կոմիտեում իրականացվում է վարչական վարույթ Ձեր կողմից հարկ վճարողի գույքի վրա արգելանք դնող պաշտոնատար անձի՝ իր իրավասությունների սահմաններում գործողությունների կատարմանը խոչընդոտելու, այն է՝ հարկ վճարողի դրամարկղում առկա կանխիկ դրամական միջոցների գույքագրում, մուտքագրված և ելքագրված դրամական միջոցների շարժի ուսումնասիրության նպատակով պահանջված դրամարկղային գիրքը չներկայացնելու դեպքի առթիվ: Նշված արարքի համար պատասխանատվություն է նախատեսվում վարչական իրավախախտումների վերաբերյալ ՀՀ օրենսգրքի 182.6-րդ հոդվածով:

Նշված դեպքի առթիվ վարչական իրավախախտման վերաբերյալ արձանագրության կազմմանը և նյութերի նախապատրաստմանը մասնակցելու նպատակով՝ Դուք 2024 թվականի փետրվարի 12-ին, ժամը 11:00-ին, անձը հաստատող փաստաթղթով հրավիրվում եք ներկայանալ ՀՀ պետական եկամուտների կոմիտե՝ ՀՀ, ք. Երևան, Էրեբունի, Ս. Դավթի 87 Ա հասցեով, (3-րդ հարկ, 301 սենյակ, հեռ. 010-30-91-91 /ներքին 91-69/):

Իսկ վարչական իրավախախտման գործի քննությանը մասնակցելու համար՝ Դուք 2024 թվականի փետրվարի 13-ին, ժամը 10:00-ին, անձը հաստատող փաստաթղթով հրավիրվում եք ՀՀ պետական եկամուտների կոմիտե՝ ՀՀ, ք. Երևան, Կոմիտաս, Արաբկիր 35 հասցեով, ՀՀ ՊԵԿ նախագահի 1-ին տեղակալի ընդունարան (հեռ. 010-30-91-91 /ներքին 91-69/):

Սույն ծանուցագրում արձանագրության կազմման համար նշված օրը չներկայանալու դեպքում վարչական իրավախախտման վերաբերյալ արձանագրությունը կարող է կազմվել Ձեր բացակայությամբ:

Համաձայն «վարչարարության հիմունքների և վարչական վարույթի մասին» ՀՀ օրենքի 23-րդ հոդվածի՝ վարչական վարույթում վարույթի մասնակիցները կարող են մասնակցել ինքնուրույն, իրենց ներկայացուցիչների միջոցով կամ նրանց հետ միասին: Լիազորված անձինք կամ օրինական ներկայացուցիչները վարչական մարմնի պահանջով պարտավոր են ներկայացնել լիազորագիր կամ օրինական ներկայացուցիչ լինելը հաստատող փաստաթուղթ: Լիազորագրի համար նոտարական վավերացում չի պահանջվում:

Վարչական իրավախախտումների վերաբերյալ ՀՀ օրենսգրքի 267-րդ հոդվածի համաձայն՝ վարչական պատասխանատվության ենթարկվող անձը իրավունք ունի ծանոթանալու գործի նյութերին, բացատրություններ տալու, ապացույցներ ներկայացնելու, միջնորդություններ հարուցելու, գործի քննության ընթացքում օգտվելու փաստաթանի իրավաբանական օգնությունից. ելույթ ունենալու մայրենի լեզվով և օգտվելու թարգմանի ծառայություններից, եթե չի տիրապետում այն լեզվին, որով տարվում է վարույթը, գանգատարկելու գործով որոշումը: Վարչական իրավախախտման վերաբերյալ գործը քննվում է վարչական պատասխանատվության ենթարկվող անձի ներկայությամբ: Գործը կարող է այդ անձի բացակայությամբ քննվել միայն այն դեպքերում,

երբ տվյալներ կան գործի քննության տեղի և ժամանակի մասին նրան ժամանակին ծանուցելու վերաբերյալ և եթե նրանից միջնորդություն չի ստացվել գործի քննությունը հետաձգելու մասին:

Բացատրություններ տալու, ապացույցներ ներկայացնելու, միջնորդություններ հարուցելու, ինչպես նաև դիմումներ և առարկություններ ունենալու դեպքում կարող եք դրանք ներկայացնել նաև secretariat@petekamutner.am էլեկտրոնային փոստի միջոցով:

Վարչական իրավախախտումների վերաբերյալ ՀՀ օրենսգրքի 267-րդ հոդվածի համաձայն վարչական իրավախախտման վերաբերյալ գործը կարող է քննվել Ձեր բացակայությամբ, սույն ծանուցագրում նշված գործի քննության օրը չներկայանալու դեպքում:

**ՀՀ ՊԵԿ իրավաբանական վարչության
հարկադիր գանձման և պարտավորությունների
կատարման ապահովման բաժնի
գլխավոր մասնագետ**



Աննա Պետրոսյան

